

33666



EXVII 4/152 / 1885. XH. 72. 3X110 182 15K

# CAPUA

POST

## CAMPANIAM

in CRAPULA

*Absorptis cum tabe liquidis,*

*Siceram, & geminam Literam involventibus.*

OLIM

LITVANO ANNIBALI

## CASIMIRO SKIRGELONI,

*Kijovienſium ac Trocenſium DVCI, poſt felices cum Barba-  
ris, & feris conſlictus, ad luſtuoſum luxum*

## INNOVATA.

Nunc demum

Ante-cineralibus Feriis, in monimentum triumphalis fugæ, certantibus  
super menſas Tricongii Prætorianis, Scenicâ erectione,  
in theatrâ Umbria

## REPRODUCTA

*A Tulliana Palæſtra Vniuerſitatis Vilnenſis Societ: IESV*

ANNO SALUTIS

In amaro Calice mortem extingventis,

1690. V. Kalend: Martias. 33.666.III.

## ARGUMENTUM.

**C**ampaniam Falerno campo, & Maſſico monte opimam, Cratera olim (teſte Volaterrano) appellatam, ſat inde celebrem reddiderat Mavortiorum domi-  
trix Virorum Capua, quod Terrorem illum Romæ Annibalem, exhaustis per  
luxum heroicis viribus, ad virus poſtremo hauriendum compulerit. Celebrio-  
rem attamen & Urbem & Regionem dictam propinata ſecuturis ſæculis, nocentis exem-  
pli fecit lucis, quæ in hæredibus damnoſæ vinolentiæ Principibus, Martis labores mor-  
te diluens, ad crapulam & capulum, cognominem veteri non unam fundavit an effudit  
Capuam. Atq; hoc inter cæteras, titulo inſigniri meruit Kijovia, CASIMIRO SKIR-  
GELONI, Vladislai Jagellonis Fratri, ex pacto cognatorum Ducum, pro depositis u-  
niuerſæ Litvaniæ Faſcibus, ſubjecta. Hic enim novus Annibal Roxolanos pro Romanis  
nactus æmulos, dum ſubactis circum Ditionibus, victiſq; noviffimè Circasſis, genio tan-  
tiſper indulget, ac in venandi oblectamenta effuſior, per otium ſectatur feras, ferocio-  
rem inter homines offendit Circen, malevolorum ſcilicet invidiam, quæ Principem da-  
pſili honoratum cænâ. poculiſq; hilariùs certantem, intermiſto ferali cratere, maſtavit  
beneficiis. *Alexand: Gvagninus in deſcript: Litv: P. Albertus Kojalowicz Hiſtor:  
Litv: parte 2. lib: 2*

PROLOGUS.

*Teatr pol. 1334. &*



# P R O L O G U S.

*Victori Skirgeloni Genio, Dolus pro Panegyri Librum Caligulae pugione (a) notatum, in applausum offert; quo in flammis abeunte, luxus craterem ad diluendos labores heroicos substituit, cum Ovidiano Acroamate: Vina parant animos. Temperantia Cyathum hunc eripiens, cum serpente ignivomo horridum ostendit, simulq; Scyphum Bacchi in Caelo, quod sidus inter Angvem & Corvum funesta signa, in Februario (b) exoritur, cum Seneca paranesi representat: Venenum in auro bibitur. in Thyest: 3.*

(a) Sveton: in Cal: Cali: (b) Ovid: Fastor: 2.

## I N T E R L O C U T I O. A C T U S P R I M U S.

*Scena I.* Voydilo & Sermundus Centuriones, captivos Skirgeloni cum victoria de Circassis (c) venientis, Kijoviam deducentes, orta dissensione de praecedentia & ordine ingrediendi, duellum sibi inducunt, peracta ingressus pompam ineundum. Interim Alexandro Volodimiri Filio (d) nuper heredi Kijoviae, ac Dolomiro ejusdem Ducatus Exarchae, Principem adesse denuntiant.

*Scena II.* Prodeuntibus obviam Alexandro & Dolomiro, Skirgelo triumphans aulam ingreditur, ubi traditis aureis clavibus, vexillisq; Dux Kijoviae ab iisdem salutatur. Quibus vicissim spolia partitus Princeps, Alexandro minorenni cognatoq; Principi Gladium, virtutis heroicæ incitamentum; Dolomiro poculum auro circumdatum, quod è cranio Curetis (e) cæsi Sventoslaus, fusus ipse non pridem (f) à Skirgelone, cæsusq; reliquerat, donat, hisce congiarium commendans: *Pro mucrone munus hoc venit mihi.* Alгимundo verò Holsanensi (g) Duci, quem à Vitoldo sibi additum habebat, ipsas claves tradit. Dolomirus quasi Civis Regionis de obliganda novo Duci fide commoniturus, epulumq; apparatus, Alexandro remonstrationem Urbis, ac imprimis Cryptarum Kijoviensium, recreandi Principis causâ, committit.

*Scena III.* Dolomirus insensus Skirgeloni utpote Livano, ac interfectori Fratris sui Sventoslai, nec non in Alгимundum propensiori, (quod claves traditæ testarentur) tum deniq; ob ominosum fati sui Craterem, *pro mucrone* sibi oblatum, furiis agitatus, mala sua Principis nece impedire decernit. Verum dum pericula machinationis, & poculum illud versat, erumpente subito mortis spectro, pænè exanimatus concidit. Sic jacentem umbra Sventoslai à proposito deterret, ereptumq; de vulnere suo pugione in ejus sinu deponit, illud adjiciens: *Hærebit altè stimulus ulturus nefas.*

*Scena IV.* Experrectus abeuntis umbræ sonitu Dolomirus, repertam sicam cum verbis, quæ ultima somnianti hæserant: *Hærebit altè, &c.* perpendens, ad ultionem se mortis à cæso Fratre urgeri autumat, ac supervenientem Nemirum Præpositum cubiculo Alexandri, ad vindicandum Ducatum per necem invisi Principis, quasi in sortem tenelli heredis sollicitat, quod largis promissis, & dandis mox utrinq; arcani cautionibus evincit. Ipse interim ad infamem præstigiis calvum montem, futuri eventus anxius festinat.

*Scena V.* Accolam Montis Magum (Contemplatores vulgus vocitæ) consulente Dolomiro de suarum rerum successu, dum ille necromanticum aperit volumen; proficit è libro pugio cum scypho, quorum involutam elucidationem his claudit præstigiator: *Sors verget in te, quando Dux prior cadet.* Hoc responso latus Exarcha, per visam sicam, Skirgeloni necem, à subornato Sicario perpetrandam, per cyathum verò tantquam scyphum boni ominis (qualis antiquis (h) in usu erat) sortem Principis cum donato cratere ad se transferendam, notari interpretatur, atq; ad Nemirum redit, tabellam cautionis clam formaturus.

(c) Gvagninus fol: 176. (d) P. Kojalowicz sup: (e) Sigismun: Baro de reb: Mosc: & P. Masen: spec: imag: c. 78. (f) P. Kojalowicz p. 1. l. 9. (g) Idem p. 2. lib: 2. (h) Alex: ab Alex: lib: 5. c. 22.

## I N T E R L O C U T I O.

CHORUS



## CHORUS I.

**A**mbitio & Dolus, Genio Dolomiri honorum fame laboranti, mensam fortunæ instrunt; cui cætera inter Insignia Mitram superimponunt: hanc dum avidè captat Genius, avolante illâ sangvinemq; pro Purpura, stillante, gladios erumpentes de mensa apprehendit; ex quibus unum arripit Fidelitas, infortunatos Symposiarchos abigit, Dolomiro inculcans illud: *Isaia 65. Væ! qui ponitis Fortunæ mensam, numerabo vos in gladio.*

## ACTUS SECUNDUS.

*Scena I.* Skirgelo cum Alexandro & Algimundo, dum celebres revisit Cryptas, unus è sepultis inibi Principibus, craterem ipsi cum pugione propinat; quo spectaculo Dux cum Aula percutus, à superveniente Dolomiro, & omen ostenti aliis similibus ibidem spectari solitis elevante, nonnihil sedatus ad Aulam & quietem regreditur.

*Scena II.* Voydilo & Sermundus indictum sibi mutuo duellum instituentes, dum prodigiosè Voydilonis gladius ensi alterius, ereptus adhæret, agnoscunt se esse fratres; sed à superveniente Dolomiro, ob violatam clamoribus strictoq; ferro Regiam, in carcerem conjiciuntur.

*Scena III.* Sopitum nonnihil Principem primò Lemures, deinde Nemirus Sicarius, metu & temeritate luctante, infestat; sed fugientibus cum fragore strygebis, experrectus Skirgelo Aulam inclamat, Nemirus verò scelere constrictus, clementiam; verum ab accurrente cum Aulicis Dolomiro, suiq; proditori occurrente confoditur: Aula tamen, ac imprimis Algimundus factum præceps Dolomiro succensens, patriciale cadaver discuti jubet.

*Scena IV.* Semotum ab Aula truncum, ponè carcerem Algimundus per milites explorans, inventam à satellitibus schedam recenti perfusam sanguine, ubi hæc solum particulæ legi poterant: - - - mire - - - gelonis in necem juro Dolo - - -, sibiq; oblatam ceu inutilem abjicit. Voydilo & Sermundus libertatem è carcere petunt, quos indignum ratus à Dolomiro Russo damnari, liberos secum ad Principem abducit.

*Scena V.* Factam discussionem referente Algimundo, Dolomirus cernens Voydilonem & Sermundum adstites, perfidiam Algimundo exprobrat, doliq; authorem arguit, qui violatæ Regiæ reos è carcere dimiserit. Iterum ergo Princeps eos ad vincula trahi Dolomiro mandat, Algimundum verò (utpote Vitoldianum) à conspectu suo in perpetuum arceat, ad ipsius Vitoldi severiorem sententiam. Reduces ad fundum suum Fratres, chartam criminofam in occurso repertam, ad innocentiae testimonium & vindicias, prisca superstitione assument; juxta illud: *Iumenta loquentur, & canis, & postes, & marmora.* Juvenalis.

## INTERLOCUTIO.

## CHORUS II.

**G**enio Skirgelonis æstuanti sub trophæo, inter sauciatos Pantheras (i) Dolus & luxus, dum suos alternatim propinant crateras; ad requiem restincta siti, ex Pocillatoribus facti ossi Choraulæ, quiescenti lugubré acciunt, spoliatumq; Insignibus, larvâ indutum relinquant.

(i) *Pantheres vini admodum avidi, eo à venatoribus capiuntur. Pieris l. II. c. 30.*

## ACTUS TERTIUS.

*Scena I.* Dolomirus subverso lætus Algimundo verbaq; illa: *pro mucrone munus hoc venit mihi perpendens, pugionis frustrati locò, craterem honorarium in fata Principis veneno armat, hæsurum altè in visceribus.* Tum illud Magicum remandens: *Sors perget in te, quando Dux prior cadet, Alexandrum ceu priorem Kijovix Ducem ac Heredem,*



redem, & Skirgeloni necessitudine conjunctum (k) neci destinat: quem accedentem officiosa fronte secum ad Aulam evocat, venationemq; Skirgeloni, quâ is præcipuè gaudebat, in proximo nemore proponit.

*Scena II.* Dum venatui vacatur, Dolomirus Alexandrum pro fera persequens, in eum hastam contorquet: sed irritò jactui obtendit errorem vibrati in feram venabuli. Insidias tamen subodoratus Juvenis, earum se prædam maturè teliquis eripit.

*Scena III.* Algimundus æger animi ex offensa Principis technisq; Dolomiri, in furorem agitur: sed à veniente Alexandro, ac in levamen turbatæ mentis, captivos illos liberaute, ad sanitatem reducit. Milites liberati sangvinolentam schedam cum oblitis illis verbis: - - *mire* - - *gelonis in necē*: &c. dum Alexandro monstrât, hic Dolomiri manum agnoscens, Algimundo cum iisdem Aulâ abstinere jussu, ipse cum Syngrapha Regiam petit, commodum vindicandi Ducis, & experiundi astus Dolomirjani captaturus.

*Scena IV.* Lassus ex agitatione ferarum Princeps, tubam epulis præcinere, mensamq; dapibus instrui mandat; tum Choragium Epheborum ex captivis institui. Ipse ad crateras magis, quàm pateras anhelans, poculis certare incipit. Dolomiro autem suum cadaverosæ frontis cyathum suggerente, dum Skirgelo explendum recipit, Alexander doli metuens, impedire conatur: hanc cautelam Dolomirus (bibente sensim Duce) ceu importunam reprehendens, chartam tandem sangvinariam è sinu offensi Juvenis evocat, cujus literaria segmina sic complens Alexander: *Nemire, Skirgelonis in necem juro, Dolomirus*, Algimundum requiri impetrat. Dux fraudem diffidenti Dolomiro, idem poculum exhauriendum offert, acceptanti quidem callidè, sed eludendum speranti. Ipse verò, currente choro Juvenum, aliquantum sopitur.

*Scena V.* Skirgelo, serpente per viscera malo expectectus, *munusq;* suum pro mucrone venire sibi, cruciatibus expertus, Dolomirum ab accito Algimundo tractari eodem cratere jubet; id quod hic intentato ferro exequitur. At Principe primum à mensa, mox è vivis sublato, fata quoq; Dolomiri accelerat; funus indicit, in conscios technarum inquit.

*Scena VI.* Mæstum resonante tubâ cadaver Skirgelonis deducitur ad Cryptas, (1) quò cum præfaga non pridem umbra, armato calice invitârat.

(k) P. Kojalovicz part: 2. l. 2. (1) Gvagninus ubi suprâ.

## E P I L O G U S.

FLagrans Skirgelonis Umbra, mensæ convivalis dissipans apparatus, ad extremum Mitram etiam Ducalem humo allidens, luctu terminari luxum renuntiat. Religio Calicem suum, Panè caelesti & Vino stabiliente Regnorum fortunam, instructum exhibens, Bacchiophilos ad Fontem hunc salientem in vitam æternam, atq; ad triduanam horarum invitat Quadragesimam.

A d

M. DEI T. O. M. G. B. V. MARIE S. L. O. C. H.  
Omniumq; SS. perpetuam Venerationem.





